

Atortut innaallagiartortut sarfap killeqartumik sakkortussusillip ilaasa iluanni atugassanngorlugit aalajangerneqartut pillugu Namminersorlutik Oqartussat nalunaarutaat

§ 6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atortut innaallagiartortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

Kapitali 1

Atuuffia aanna nassuiaatit

Atuuffia

§ 1. Nalunaarummi siunertaavoq atortussiat innaallagiartortut nioqqutigineqartut pitsaasumik illersuuteqarnissamik piimasaqaatinik naammassinninnissaat, tassa inuit peqqissusiannut, uumasuutitut aamma pigisanut isumannaallisaanermut tunngatillugu.

§ 2. Nalunaarut atortussianut innaallagiartortunut sarfamut 50 aamma 1.000 V-mik akornanni sakkortussuseqartumut atorineqartussatut naatsorsuussaasunut, tassani pineqarpoq vekselstrøm, kiisalu jævnstrømmimut tunngatillugu 75 aamma 1.500 V, taamaattorli tak. imm. 2.

Imm. 2. Najoqqutassami matumani pineqanngillat atortussiat aamma sunniutaasut, ilanngussami 2-mi allanngorsimasut.

Nassuiaatit

§ 3. Nalunaarummi makku imatut paasineqassapput:

- 1) Niuerfimmi pissarsiarineqartitsisinnaanngortitsineq: Atortussianik innaallagiartortunik tunniussar-neq nioqqutigineqarqinnissaat siunertaralugu, atugassatut imaluunniit niuerfimmi atorineqartussatut inuussutissarsiuteqarluni suliffeqarfimmut atatillugu imaluunniit akiliisitsilluni.
- 2) Kaaviiartitsinermut ilanngutsitsineq: Atortussianik innaallagiartortunik niuerfimmi siullerpaamik pissarsiarineqarsinnaanngortitsineq.

- 3) Nioqqutissiortoq: Inuk imaluunniit inuk inatsisitigut pisinnaatitaasoq pisussaatitaasorlu atortussiani innaallagiartortunik nioqqutissiortoq, imaluunniit atortussiamik innaallagiartortunik sananeqarnissaanik isumassarsisimasoq imaluunniit nioqqutissiortitsisoq, kiisalu atortussiamik taassuminnga nammineq aqqi atorlugu imaluunniit nioqqutitut ilisarnaaserlugu nittarsaassisoq.
- 4) Sinniisuutitatus piginnaatinneqartoq: Inuk kinaluunniit imaluunniit inuk inatsisitigut pisinnaatitaasoq pisussaatitaasorlu nioqqutissiortumit allaganngorlugu akuersisummik tunineqarsimasoq, suliaasanut aalajangersimasunut atatillugu taanna sinnerlugu pisinnaatitaasoq.
- 5) Nioqqutissanik eqqussuisoq: Inuk kinaluunniit imaluunniit inuk inatsisitigut pisinnaatitaasoq pisussaatitaasorlu Kalaallit Nunaanni pilersitsisimasoq, kiisalu atortussianik innaallagiartortunik nunanit allaneersunit eqqussuisartoq niuerfimmi nioqqutigineqartussanik.
- 6) Nioqqutissanik nioqquteqaqqittartoq: Inuk kinaluunniit imaluunniit inuk inatsisitigut pisinnaatitaasoq pisussaatitaasorlu nioqqutissiortup imaluunniit nioqqutissanik eqqussuisartup saniatigut pilersuinnermut ilaasoq, atortussianik innaallagiartortunik niuerfimmi pissarsititsisinnaasoq.
- 7) Inuussutissarsiummik ingerlatsisoq: Nioqqutissiortoq, sinniisuutitatus piginnaatinneqartoq, nioqqutissanik eqqussuisartoq aamma nioqqutininik nioqquteqaqqittartoq.
- 8) Teknikimut tunngatillugu immikkoortiterlugit nalunaarsukkat: Uppernarsaasersuut atortussiamik innaallagiartortumut teknikimut tunngatillugu piumasaqaatinik naammassisassanik aalajangersaasoq.
- 9) Nalinginnaasumut naleqqussarneqarsimasoq: Nalinginnaasumut naleqqussarneqarsimasoq Europa-Parlamentip aamma Rådip peqqussutaanni 1025/2012/EU-mi immikkoortortami 2-mi, imm. 1, litra c-mi nassuiarneqartoq.
- 10) Naapertuuttoqarneranut nalilersuineq: Periuseq § 25-imi aamma ilanngussaq 1-imi atortussiat innaallagiartortut isumannaallisaanermut piumasaqaatinik eqquutsitsinerannik uppersaanissamut atornerqartoq.
- 11) Utertitsineq: Iliuserineqartoq sunaluunniit tassani siunertarineqarluni atortussiap innaallagiartortup, atuisartumit pissarsiarineqareersimasup, utertinneqarnissaa anguniarlugu.
- 12) Tunuartitsineq: Iliuserineqarneq sunaluunniit tassani siunertarineqarluni pinngitsoortissallugu, atortussiap innaallagiartortup pilersuinerup aqquutaani niuerfimmi pissarsiarineqarsinnaanissaa pinngitsoortinnissaa.
- 13) EU-harmoniseringslovgivning: EU-mi inatsisitigut saqqummiunneqartut tamarmik nioqqutissanik tuniniaanermi piumasaqaatinik naleqqussarneqarsimasut.
- 14) CE-mik nalunaaqutsiineq: Nalunaarsuineq atortussiap innaallagiartortup EU-p harmoniseringslovgivningianik tamatuminnga nalunaaqutsersuinerup sumi inissinnissaa pillugu piumasaqaataasunik atuuttuusunik tamanik eqquutsitsisunik nioqqutissiortup nalunaarnera.

Kapitali 2

Nioqqutissiortup aamma inuussutissarsiortup pisussaaffii

§ 4. Nioqqutissiortup qulakkiissavaa, atortussiaq innaallagiartortoq nioqqutiginiaileruniuk, § 25-mi aamma ilanngussami 1-imi isumannaallisaanermut piumasaqaataasut eqquutsillugit ikkussorneqarsimallunilu sanaajusimasoq qulakkiissavaa.

§ 5. Nioqqutissiortup uppersarsaat teknikimut tunngasoq suliarissavaa tak. ilanngussaq 3, naapertuuttoqarneranut nalilersuineranut periuseq ingerlatissavaa imaluunniit ingerlatsinnissaa isumagissavaa tak. ilanngussaq 3.

Imm. 2. Atortussiaq innaallagiartortoq § 25-mi aamma ilanngussami 1-mi isumannaallisaanermut piumasaqaataasunik naammassinninnera naapertuuttoqarneranut nalilersuineranut periutsimi uppersarsarneqarpat tak. imm. 1, taava nioqqutissiortup EU-mi naapertuuttoqarneranut uppersarsaat naammassillugu suliarissavaa CE-millu nalunaarsuut ikkullugu.

Imm. 3. Nioqqutissiortup ilanngussami 3-mi pineqartoq teknikimut tunngatillugu uppersarsaaneq aamma EU-mi naapertuuttoqarneranut uppersarsaat atortussiaq innaallagiartortoq nioqqutigilersimappagu imaluunniit nioqqutigereersimappagu tamatuma kingornatigut ukiuni 10-ni toqqortarissavaa.

§ 6. Nioqqutissiortup tamatuma najoqqutassiap eqquutsittuarnissaanut nioqqutissiat assigiiaat qulakkeernissaannut periuseqassaaq. Pisariaqartitsisoqarneratigut atortussiap innaallagiartortup sananeqarnerata imaluunniit ilisarnaataata aamma assigiissaakkat naleqqussarneqareersut allanngortinneqarnissaat mianerineqassapput tak. § 27, nunani assigiinngitsuni imaluunniit nunami pineqartumi assigiissaakkat tak. § 28 aamma § 29 imaluunniit erseqqissaatit teknikimut tunngasut.

Imm. 2. Atuisut peqqissusiat aamma atortussiat innaallagiartortut ulorianarsinnaanerannut isumannaatsunissaasa illersorneqarnissaat naleqquttuosorineqarpat, taava nioqqutissiortup

1) atortussiamik innaallagiartortumik niuerfimmi nioqqutigineqalereersimasumik tigusillattaarluni misissuisassaaq,

2) naammagittaalliutinik misissuisassaaq aamma nalunaarsuisassalluni,

3) atortussianik innaallagiartortunik piumasaqaataasunik naammassinninngitsunik misissuisassaaq,

4) atortussiat innaallagiartortut utertissavai, aamma

nioqqutissanik nioqquteqaqqittartut taamatut ittumik nakkutilliinermik qanorluunniit ittumik ilisimatittassavai.

§ 7. Nioqqutissiortup qulakkiissavaa atortussiap innaallagiartortup nammineq nioqqutigilikkami makkuninnga nalunaaqutserneqarsimanera, suuneranik, nioqqutit sorliunerannik imaluunniit serienormuanik imaluunniit arlaannik sumilluunniit nalunaarnissaanik, tamakku iluaqutigalugit suunera paasineqarsinnaasunngorlugu, taamaattorli tak. 3.

Imm. 2. Nioqqutissiortup aqqa, suliffutaata aqqa nalunaarsoriigaq imaluunniit nioqqutaasup ilisarnaataa nalunaarsoriigaq aamma najugaa atortussiami innaallagiartortumi saqqumissapput, taamaattorli tak. 4.

Najukkap allannerani sumiiffik, nioqqutissiortup saaffigineqarsinnaaffia, kisimi allanneqassaaq. Saaffigineqarsinnaanermut paasissutissat atuisunut kiisalu Innaallagissiornermut Oqartussanut paasinartumik allanneqassapput.

Imm. 3. Imm. 1 imaluunniit 2 naammassineqarsinnaanngippata paasissutissat piumasaqaataasut puuanni allassimassapput imaluunniit atortussiamut innaallagiartortumut uppersarsaammi ilanngunneqartumi.

§ 8. Nioqqutissiortup qulakkiissavaa atortussiap innaallagiartortup qanoq atorineqarnissaanut ilitsersuut aamma isumannaallisaanermut paasissutissat kalaallisut imaluunniit danskisut allanneqarsimasut ilanngunneqarnissaat. Qanoq atorineqarnissaanut ilitsersuut aamma isumannaatsuunissaanut paasissutissat kiisalu nalunaaqutserneqarnera erseqqissumik aamma paasiuminartumik allassimassapput.

§ 9. Nioqqutissiortup ilisimappagu imaluunniit ilisimasussaagaluarpagu atortussiaq innaallagiartortoq nammineq nioqqutigilikkani najoqqutassiami matumani piumasaqaataasunik eqquutsitsinngitsoq, taava ingerlaannartumik atortussiaq innaallagiartortup inatsisinik eqquutsitsiniarluni pisariaqartumik aaqqiissuteqassaaq imaluunniit nioqqutissiorfinnit utertillugu imaluunniit tunuartillugu.

Imm. 2. Atortussiaq innaallagiartortoq ulorianartuusinnaappat, taava nioqqutissiortup ingerlaannartumik Innaallagissiornermut Oqartussat ilisimatissavai. Nioqqutissiortup tamatumunnga ilutigitillugu inatsit naapertorlugu eqquutsitsinissamut amigaataasut sukumiinerusut aamma aaqqiissutissatut aalajangikkat ilisimatitsissutigissavai.

Piginnaatitat sinniisaat

§ 10. Nioqqutissiortup allakkatigut piginnaatitassatut sinniisuutitassaminik toqqaasinnaavoq.

Imm. 2. § 4 naapertorlugu pisussaaffiit aamma uppersaasatit teknikimut tunngasut suliarineqarnerat tak. § 5 imm. 1, piginnaatitaasutut sinniisuutitap piginnaatitsissutaanut ilaatinneqassanngillat.

§ 11. Piginnaatitaasutut sinniisuutitap suliassat piginnaatitsissummi nioqqutissiortumit tigusimasamini aalajangersakkat suliarissavai. Piginnaatitsissummi piginnaatitaasutut sinniisuutitaq minnerpaamik mak-kuninnga piginnaatissavaa

1) EU-mi naapertuuttoqarneranut uppersaasat aamma uppersaasarsuut teknikimut tunngasooq toq-qortarissavai, taamaaliornikkut atortussiaq innaallagiartortup nioqqutigineqalersimaneraniit imaluunniit nioqqutigineqarsimanerani ukiut 10-t qaangiunneranni Innaallagissiornermut Oqartussanut atorneqarsinnaasunngorlugu.

2) Innaallagissiornermut Oqartussanit tunngavissaqartumik noqqaassutigineqarnera tunngavigalugu inatsit naapertorlugu atortussiaq innaallagiartortup pisariaqartumik nalilerneqarnissaanut paasissutissanik aamma uppersaasatissanik tamanik tunniussissaaq, kiisalu

3) Innaallagissiornermut Oqartussanit suleqateqarnissamik, taakku tamatuminnga noqqaassuteqarpata, ulorianarsinnaasunik, atortussiaq innaallagiartortup piginnaatitsissummi pineqartumi ajutoorutaasinnasut nungutitsinissamut aaqqiissutissat aalajangiiffiginissaat pillugit.

Nioqqutissanik eqqussuisup pisussaaffii

§ 12. Nioqqutissanik eqqussuisup atortussianik innaallagiartortunik taamaallaat nioqquteqalersinnaavoq, taakkua isumannaallisaanermut piumasaqaatinik § 25-imiittunik aamma ilanngussaq 1-imiittunik eq-qortitsippata.

§ 13. Nioqqutissanik eqqussuisup atortussianik innaallagiartortunik nioqqutigisaqalernissani sioqqullugu qulakkiissavaa, nioqqutissiortup naapertuuttoqarneranut nalilersuinermini ingerlatseriaatsimik ingerlatse-reersimanissaa, tak. § 5, imm. 1 aamma ilanngussaq 3.

Imm. 2. Nioqqutissanik eqqussuisup qulakkiissavai, tassa

1) nioqqutissiortup teknikimut tunngasumut uppersaasarsuummik suliaqarsimanera, tak. ilanngussaq 3,

- 2) atortussiat innaallagiartortut CE-mik nalunaarsuummik ikkussivigineqarsimanerat, kiisalu
- 3) nioqqutissiortup § 7-imi piumasaqaataasunik naammassinnissimanera.

§ 14. Nioqqutissanik eqqussuisartup ilisimappagu imaluunniit ilisimasariaqarsimappagu atortussiaq innaallagiartortoq § 25-mi aamma ilanngussaq 1-imi isumannaallisaanermut piumasaqaatinik naammassinnissimanngitsaq, taava taanna nioqqutigineqalissanngilaq piumasaqaataasunik naapertuuttunngortinneqarsimanera sioqqullugu.

Imm. 2. Atortussiaq innaallagiartortoq navianarsinnaappat taava nioqqutissanik eqqussuisup tamanna pilugu nioqqutissiortoq aamma Innaallagissiornermut Oqartussat ilisimatissavai.

§ 15. Nioqqutissanik eqqussuisartup aqqa, suliffiutaata aqqa nalunaarneqarsimasooq imaluunniit nioqqutaasup suunera nalunaarneqarsimasooq aamma allakkerisarfikkut nassiussigaanni sumiiffia, tassa pineqartup attaveqarfigineqarsinnaaffigisaa atortussiami innaallagiartortumi takuneqarsinnaassapput. Attaveqarfigineqarnissamut paasissutissat atuisussamut aamma Innaallagissiornermut Oqartussanut paasiuminartumik allaneqassapput.

Imm. 2. § 7, imm. 4, taamatuttaaq nioqqutissanik eqqussuisumut atuuppoq.

§ 16. Nioqqutissanik eqqussuisup atortussiap innaallagiartortup qanoq atorineqarnissaanut ilitsersuut aamma isumannaallisaanermut paasissutissat kalaallisut imaluunniit danskisut allanneqarsimasut ilanngunneqarnissaat qulakkiissavaa.

Imm. 2. Nioqqutissanik eqqussuisup qulakkiissavaa atortussianik innaallagiartortunik toqqortaqaqarnermi aamma assartuinermi piumasarineqartut qulakkiissavai, taakkua isumannaallisaanermut piumasaqaatinik § 25-imiittunik aamma ilanngussaq 1-imiittunik eqqortitsinerisa nalorninartoqalinnginnissaat.

Imm. 3. Atuisut peqqissusiat aamma atortussiat innaallagiartortut ulorianarsinnaanerannut isumannaatsunissaasa illersorneqarnissaat naleqquttuusorineqarpat, taava nioqqutissiortup Innaallagissiornermut Oqartussat tunngavilersuillutik piumasaqarnerat naapertorlugu imatut iliusaaq

- 1) atortussiamik innaallagiartortumik nioqquteqarfimmi nioqqutigineqalereersimasumik tigusillattaarluni misissuisassaaq,
- 2) naammagittaalliutunik misissuisassaaq aamma nalunaarsuisassalluni,
- 3) atortussianik innaallagiartortunik piumasaqaataasunik naammassinninngitsunik misissuisassaaq,
- 4) atortussiat innaallagiartortut utertissavai, aamma
- 5) nioqqutissanik nioqquteqaqqittartut taamatut ittumik nakkutilliinermik qanorluunniit ittumik ilisimatitassavai.

§ 17. Nioqqutissanik eqqussuisup ilisimappagu imaluunniit ilisimasussaagaluarpagu atortussiaq innaallagiartortoq nammineq nioqqutigilikani najoqqutassiami matumani piumasaqaataasunik eqquutsitsinngitsaq, taava ingerlaannartumik atortussiap innaallagiartortup inatsisunik eqquutsitsiniarluni pisariaqartumik aaqqiissuteqassaaq imaluunniit tamanna pisariaqarpat nioqquteqarfinnit utertillugu.

Imm. 2. § 9, imm. 2, taamatuttaaq nioqqutissanik eqqussuisumut atuuppoq.

§ 18. Nioqqutissanik eqqussuisup ukiuni 10-ni, atortussiap innaallagiartortup nioqqutigineqalerneranit imaluunniit nioqqutigineqarsimaneranit, EU-p naapertuuttoqarneranut uppersaataata assilinerat toq-

qortarissavaa, taamaalilluni taanna Innaallagissiornermut Oqartussanit takuneqarsinnaassalluni aamma qulakkeerneqassaaq ilanngussaq 3-mi teknikumut tunngatillugu uppersaasarsuutip Innaallagissiornermut Oqartussanit piumasaqarneq naapertorlugu atorineqarsinnaanissaa.

Nioqqutissanik nioqquteqaqqittartup pisussaaffii

§ 19. Nioqqutissanik nioqquteqaqqittartup atortussiaq innaallagiartortoq niuerfimmi pissarsiarineqarsinnaatileruniuk, matumani najoqqutassiami piumasaqaatinut pisariaqartumik peqqissaartumik ileqqulersussaaq.

§ 20. Atortussiaq innaallagiartortut niuerfimmi pissarsiaritineqarsinnaanerat sioqqullugu nioqqutissanik nioqquteqaqqittartup pineqartup misissussavai, tassa

- 1) CE-mik nalunaarsuummik pilerneqarsimanerat,
- 2) qanoq atorineqarnissaanut ilitersuut aamma isumannaallisaanermut paasissutissat kalaallisut imaluunniit danskisut allanneqarsimasut ilanngunneqarnissaat,
- 3) nioqqutissiortup § 7-imi piumasaqaatinik eqqortitsisimanera, kiisalu
- 4) nioqqutissanik eqqussuisup taamaattoqarsimappat § 15-imi piumasaqaatinik eqqortitsisimanera.

Imm. 2. Nioqqutissanik nioqquteqaqqittartup ilisimappagu imaluunniit ilisimasariaqarsimappagu atortussiaq innaallagiartortoq § 25-mi aamma ilanngussaq 1-imi isumannaallisaanermut piumasaqaatinik naammassinnissimangitsoq, taava taanna nioqqutigineqalissanngilaaq piumasaqaataasunik naapertuuttunngortinneqarsimanera sioqqullugu.

Imm. 3. Atortussiaq innaallagiartortoq navianarsinnaappat taava nioqqutissanik nioqquteqaqqittartup taamanna pillugu nioqqutissiortuq aamma Innaallagissiornermut Oqartussat ilisimatissavai.

§ 21. § 16, imm. 2, taamatuttaaq nioqqutissanik nioqquteqaqqittartumut atuuppoq.

§ 22. Nioqqutissanik nioqquteqaqqittartup ilisimappagu imaluunniit ilisimasussaagaluarpagu atortussiaq innaallagiartortoq pineqartup nioqqutigilikkanik naluraarummi matumani piumasaqaataasunik eqquutsitsinngitsoq, taava pineqartup ingerlaannartumik atortussiap innaallagiartortup inatsisinik eqquutsitsiniarluni pisariaqartumik aqqiissuteqassaaq imaluunniit nioqqutissiorfinnit utertillugu imaluunniit tunuartillugu.

Imm. 2. § 9, imm. 2, taamatuttaaq nioqqutissanik nioqquteqaqqittartumut atuuppoq.

Nioqqutissanik eqqussuisup aamma nioqqutissanik nioqquteqaqqittartup nioqqutissiortup pisussaaffinik nangitsinera

§ 23. Nioqqutissanik eqqussuisartup imaluunniit nioqqutissanik nioqquteqaqqittartup atortussiaq innaallagiartortoq nammineq aqqi imaluunniit nioqqutaasup suunera atorlugu nioqqutigileruniuk, taava taanna pineqartoq nioqqutissiortutut isigineqalissaaq, kiisalu nioqqutissiortup pisussaaffisa assinganik pisussaaffeqalerluni, tak. §§ 4 - 9, § 33 aamma § 36, imm. 1.

Imm. 2. Taamatuttaaq imm. 1 atuutissaaq nioqqutissanik eqqussuisartuq imaluunniit nioqqutissanik nioq-

Inuussutissarsiummik ingerlatsisup inuussutissarsiummik ingerlatsisunit allamit kinaassusersineqarnera

Imm. 2. Inuussutissarsiummik ingerlatsisup paasissutissat imm. 1-imi taaneqartut ukiuni 10-ni saqqummi-
ussinnaassavai, pineqartup atortumik innaallagiartortumit pissarsisimanermi imaluunniit nioqquteqarsi-
manermi kingornatigut.

Atortussiap innaallagiartortup niuerfimmi naleqquttuunera aamma pissarsiarineqarsinnaalersinneqarnera

Imm. 2. Ilanngussaq 1-imi ilaapput isumannaallisaanermut piumasagaatit pingaarnerit allattorsimaffiat.

Atortussiap innaallagiartortup naleqquttuuneranik ilimaginnineq

§ 28. Nalinginnaasunut naleqqussakkat tak. § 27 suli aalajangersarneqarsimanngippata aamma tamanut saqqummiunneqarsimanngippata, taava atortussiat innaallagiartortut § 25-imi aamma ilanngussaq 1-imi i-

sumannaallisaanermut piumasaqaatinut naleqquttutut isigineqassapput, imaappat atortussiat innaallagiartortut nunat tamalaat akornanni isumannaallisaanermut aalajangersakkanut nalinginnaasunut naleqqulutik, taakkua uani International Electrotechnical Commission (IEC - Den Internationale Elektrotekniske Kommission) aalajangersarneqarsimallutik, kiisalu Kommissionimit innersuunneqarsimallutik Europa-Parlamentip aamma Rådets malitassiaani 2014/35/EU-mi tamanut saqqummiussinissamut periusianni artikel 13, imm, 2-mut aamma 3-mut naleqqullutik.

§ 29. Nalinginnaasunut naleqqussakkat tak. § 27 suli aalajangersarneqarsimanngippata aamma tamanut saqqummiunneqarsimanngippata, kiisalu nunat tamalaat akornanni nalinginnaasuullutik, tak. § 28, taava atortussiat innaallagiartortut § 25-imi aamma ilanngussaq 1-imi isumannaallisaanermut piumasaqaatinut naleqquttutut isigineqassapput, imaappat atortussiat innaallagiartortut isumannaallisaanermut aalajangersakkat nalinginnaasut naapertorlugit sananeqarsimallutik, tassa naalagaaffimmi ilaasortaasumi taak-kuninnga atuiffiusumi sananeqarsimallutik, tamanna tunngavigalugu isumannaallisaanermut piumasaqaatit tassani tunngavigineqartut Kalaallit Nunaanni aamma Danmarkimi piumasaqaataasut assigalugit.

EU-p naleqquttuussusermut nalunaarutaa

§ 30. EU-p naleqquttuussusermut nalunaarutaani ersersinneqassaaq tassa uppersaaserneqarsimasooq, § 25-imi aamma ilanngussaq 1-imi isumannaallisaanermut piumasaqaatit eqqortinneqarsimasut.

Imm. 2. EU-p naleqquttuussusermut nalunaarutaata

- 1) ilusilersugaq ilanngussaq 4-miittoq malissavaa,
- 2) ilanngunneqartussatut naapertuuttoqarneranut nalilersuinnermi periutsimi immikkoortoq A-mi ilanngussaq 3-miittumi allanneqarsimasut ilanngunneqassapput,
- 3) ingerlaavartumik allattuisoqassaaq, aamma 4) nutserneqassapput kalaallit, danskit imaluunniit tuluit oqaasiinut, tassa atortussiaq innaallagiartortoq Kalaallit Nunaanni niuerfimmi tuniniarneqalerpat imaluunniit pissarsiarineqarsinnaalerpat.

Imm. 3. Atortussiaq innaallagiartortoq EU-mi inatsisitigut pisussaatitaanermut ataasiinnaanngitsumut ilanngunneqarsimappat, taakkunanilu piumasaqaataalluni EU-p naleqquttuussusermut nalunaarutaa, taava EU-mi inatsisitigut pisussaatitaanernut tamanut ataasiakkaarlugit EU-p naleqquttuussusermut nalunaarutaa suliarineqassaaq. Nalunaarummi ersersinneqassaaq EU-mi inatsisitigut pisussaatitaanerit sorliit pineqarnersut, taakkununga ilanngullugit pineqartut taakkua sumi tamanut saqqummiunneqarsimanersut.

Imm. 4. EU-p naleqquttuussusermut nalunaarutaanik suliarinninnermi nioqqutissiortup eqqortuunera akisussaaffigissavaa, tassa atortussiaq innaallagiartortoq nalunaarummi matumani piumasaqaatinik naam-massinittuq.

CE-mik nalunaaqutsiineq

§ 31. CE-mik nalunaaqutsiineq Europa-Parlamentip aamma Rådip peqqussutaani 765/2008/EF-imi immikkoortoq 30-imi periutsini nalinginnaasuni aalajangersakkanut ilaatinneqarpoq.

§ 32. CE-mik nalunaaqutsiineq takusassanngorlugu, atuaruminartunngorlugu inissinneqassaaq, aamma imatut piiarneqarsinnaajunnaarlugu atortussiamit innaallagiartortumi imaluunniit nalunaaqutsiiffimmi,

taamaattorli tak. imm. 2.

Imm. 2. Atortussiaq innaallagiartortoq imatut pissuseqarpat imm. 1-ip eqqortinneqarnissaa periarfissaa-nani imaluunniit naleqqunnani, taava CE-mik nalunaaqutsiussaq puuanut aamma uppersaasarsuutitut ilaasunut inissinneqassaaq.

Imm. 3. CE-mik nalunaaqutsiussaq ikkunneqassaaq atortussiaq innaallagiartortoq nioqqutigineqalinngin-nerani.

Kapitali 5

Niuerfimmik nakkutiginninneq

§ 33. Inuussutissarsiummik ingerlatsisoq Innaallagissiornermut Oqartussat tunngavilersuillutik piumasa-qarnerat naapertorlugu pisussaataavoq paasissutissat tamaasa aamma uppersaasarsuutitut suulluun-niit tunniutissallugit, taakkua nalunaarummik matuminnga eqqortitsisoqarneranik misissuinissamut pisari-aqartinneqarpata. Paasissutissat aamma uppersaasarsuutitut papiaranngorlugit imaluunniit elektroniski-usumik tunniunneqassapput.

Imm. 2. Nioqqutissiortup aamma nioqqutissanik eqqussuisup paasissutissat aamma uppersaasarsuutitut imm. 1-imi taaneqartut Innaallagissiornermut Oqartussanut oqaatsit paasiuminartut atorlugit tunniutissa-vaat.

§ 34. Innaallagissiornermut Oqartussat atortussiat innaallagiartortut pillugit navianartunik tamanut saq-qummiussisinnaapput.

§ 35. Inuussutissarsiutinik ingerlatsisut attuumassuteqartut pisariaqartitsineq suugaluartorluunniit ator-lugu suleqataassapput tassani siunertarineqarluni Innaallagissiornermut Oqartussat atortussiamik innaal-lagiartortumik nalilersuinissaq, tamatumani pineqarpat naammaginantumik tunngavissaqartinneqarluni taassuma inuit peqqissusiannut imaluunniit isumannaatsuunissannut, uumasuutitut imaluunniit pigisanut navianartorsiortitsisinnaasoq.

Inuussutissarsiutinik ingerlatsisut piareersaanerat

§ 36. Nioqqutissiortuq aamma nioqqutissanik eqqussuisoq, tamanna pillugu Innaallagissiornermut Oqar-tussat qinnuiginnippata, piareersaanermut suleqataassapput atortussiap innaallagiartortup pineqartup ni-oqqutigilersimasaaniittut nalorninartoorfusinnaasut suujunnaarsinniarlugit.

Imm. 2. Taamatuttaaq imm. 1 sinniisuutitatut piginnaatinneqartumut atuuppoq atortussiaq innaallagi-arortoq, pineqartup akuerineqarsimaneranut ilaatinneqarpat.

Imm. 3. Taamatuttaaq imm. 1 nioqqutissanik nioqquteqaqqittartumut atuuppoq atortussiamik innaallagi-artortumik pissarsiarinnissinnaasunnortitsisimasumut.

§ 37. Innaallagissiornermut Oqartussat qularnaarlugu paasippassuk atortussiaq innaallagiartortoq inuit peqqissusiannut imaluunniit isumannaatsuunissaannut, uumasuutitut imaluunniit pigisanut navianartorsi-ortitsisinnaasoq, kiisalu nalunaarummi matumani piumasaqaatinik naammassinngitsoq, taava ingerlaan-nartumik Innaallagissiornermut Oqartussat inuussutissarsiummik ingerlatsisoq pineqartoq navianartuu-

sup suuneranut naleqqiussilluni naammaginantumik piffissaqartillugu piumaffigissavaa pisariaqartunik tamanik piareersaqqullugu imatut iliornermigut:

- 1) tassa atortussiaq innaallagiartortoq najoqqutassiami matumani piumasaqaatinut eqqortitsisunngortillugu,
- 2) tassa atortussiaq innaallagiartortoq niuerfimmit utertillugu imaluunniit
- 3) tassa atortussiaq innaallagiartortoq tunuartillugu.

Imm. 2. Inuussutissarsiummik ingerlatsisup pineqartup qulakkiissavaa piareersaatit pisariaqartut tamar-mik aalajangerneqarnissaat atortussiamut innaallagiartortumut tunngatillugu, tassa inuussutissarsiummik ingerlatsisut niuerfimmi pissarsiarineqarsinnaanngortissimasaminut tunngatillugu.

§ 38. Inuussutissarsiummik ingerlatsisup pineqartup piareersaanerit pisarisariaqartut aalajanginngippagit § 37, imm. 1-imi piffissarititaasut iluanni, Innaallagissiornermut Oqartussat utaqqiisaagallartumik piareersaatit pisariaqartut aalajangissavaat, tassa

- 1) atortussiaq innaallagiartortup Kalaallit Nunaanni niuerfimmi pissarsiarineqarsinnaaneq inerteqqutigilerlugu imaluunniit killilersorlugu,
- 2) atortussiaq innaallagiartortoq niuerfimmit tunuartillugu imaluunniit
- 3) atortussiaq innaallagiartortoq utertillugu.

*Atortussiat innaallagiartortut piumasaqaatinik eqqortitsisut,
kisianni aarlerinaateqarsinnaasut*

§ 39. Atortussiaq innaallagiartortoq imaappat, naak najoqqutassami matumani piumasaqaatit eqqortikaluarlugit, inuit peqqissusiannut imaluunniit isumannaatsuunissaannut, uumasuutitut imaluunniit pigisanut navianartorsiortitsisinnaasoq, Innaallagissiornermut Oqartussat inuussutissarsiummik ingerlatsisoq pineqartoq navianartuusup suuneranut naleqqiussilluni naammaginantumik piffissaqartillugu piumaffigissavaa pisariaqartunik tamanik piareersaqqullugu makku pillugit, tassa

- 1) qulakkiissallugu atortussiaq innaallagiartortup nioqqutigineqaleruni navianarunnaarsimanissaa,
- 2) atortussiaq innaallagiartortoq niuerfimmit tunuartillugu imaluunniit
- 3) atortussiaq innaallagiartortoq utertillugu.

Imm. 2. Inuussutissarsiummik ingerlatsisup pineqartup qulakkiissavaa piareersaatit pisariaqartut tamar-mik aalajangerneqarnissaat atortussiamut innaallagiartortumut tunngatillugu, tassa inuussutissarsiummik ingerlatsisut niuerfimmi pissarsiarineqarsinnaanngortissimasaminut tunngatillugu.

Piumasarineqartut amigaataanerit

§ 40. Innaallagissiornermut Oqartussat inuussutissarsiummik ingerlatsisoq peqqusinnaavaat kingusinnerpaamik piffissarititaasup taaneqartup iluani, pissutsinik tulluuttut iluarseqqullugit:

- 1) CE-mik nalunaaqutsiineq ikkunneqarsimanngilaq imaluunniit Europa-Parlamentip aamma Rådip peqqussutaani 765/2008/EF-imi immikkoortoq 30-mut imaluunniit nalunaarummik matumani § 32-mut akerliusumik ikkunneqarsimavoq. 2) EU-mi naapertuuttoqarneranut uppersaasut suliarineqarsimanngilaq imaluunniit eqqortumik suliarineqarsimanani.
- 3) Teknikimut tunngatillugu uppersaasarsuut pigineqanngilaq imaluunniit amigaateqarluni.

4) Paasissutissat piumasaqaataasut § 7, imm. 3-mi aamma 4-mi, imaluunniit § 15-imi amigaataapput imaluunniit tamarmiusuunatik.

5) Nioqqutissiortumut aamma nioqqutissanik eqquussuisunut allaffissornikkut piumasaqaat imaluunniit piumasaqaatit allat arlallit §§ 4-mit – 9-mut, §§ 12-imit 18-imut, § 33-mi aamma § 36, imm. 1-imi naammassineqarsimanngillat.

Imm. 2. Pissutsit imm. 1-imi kingusinnerpaamik piffissarititaasup imm. 1-imiittut iluani iluarsineqarsimanngippata, taava Innaallagissiornermut Oqartussat

1) atortussiaq innaallagiartortoq niuerfimmi pissarsiaritinneqarnissaa inerteqqutigalugu, imaluunniit

2) inuussutissarsiummik ingerlatsisoq peqqullugu atortussiamik innaallagiartortumik tunuartitseqqullugu imaluunniit atortussiaq innaallagiartortumik uterteqqullugu.

Kapitali 7

Pineqaatissiissutit

§ 41. Pillaammik akiliisinneqarsinnaavoq imatut iliortoq

1) ukununnga akerliusumik § 4, § 5, imm. 1 aamma 2, imaluunniit § 12, tak. § 25, atortussianik innaallagiartortunik nioqquteqalersoq,

2) ukununnga akerliusumik § 19, tak. § 25, atortussianik innaallagiartortunik niuerfimmi pissarsiarinnissaatitsilersoq,

3) § 5, imm. 3, § 11, § 18 aamma § 24, imm. 2, naapertorlugit uppersaasersuutininik paarinninngitsoq,

4) atortussianik innaallagiartortunik piumasaqaatit naapertorlugit paasissutissanik ilanngussisimanngitsoq, tak. § 7 aamma § 15,

5) qanoq atuinissamut aamma isumannaallisaaneq pillugu paasissutissanik piumasaqaatinik eqquutsitsinngitsoq, tak. § 8 aamma § 16, imm. 1, aamma § 20, imm. 1, normu 2,

6) atortussiat innaallagiartortut paasissutissanik piumasaqaataasut naapertorlugit pilerneqarsimanerininik misissuinngitsoq, tak. § 13, imm. 2, normu 2 aamma 3, imaluunniit § 20, imm. 1, normu 1, 3 aamma 4,

7) ilisimatitsinissamik pisariaqartunik § 9, imm. 2, § 14, imm. 2, § 17, imm. 2, tak. § 9, imm. 2, § 20, imm. 3, imaluunniit § 22, imm. 2, tak. § 9, imm. 2 naapertorlugit Innaallagissiornermut Oqartussanut ilisimatitsinngitsoortoq,

8) Innaallagissiornermut Oqartussanut § 24, imm. 1, aamma § 33 tunngavigalugit paasissutissanik piumasaqarneqartunik tunniussinngitsoortoq,

9) inerteqqutigineqartumik imaluunniit peqqusissummik § 38 - § 40, imm. 2 naapertorlugit nalunaarutigineqartumit eqqortitsisimanngitsoq.

Imm. 2. Inuit inatsisitigut pisinnaatitaasut pisussaataasullu pillaammik akiligassamik akiliisussanngortinneqarsinnaapput Kalaallit Nunaanni pinerluttulerinermi Inatsimmi maleruaqqusat naapertorlugit.

Imm. 3. Pillaammik akiliisitsinerit nalunaarut naapertorlugu Nunatta Karsianut nakkartinneqassapput.

Kapitali 8

Atuutilersitsineq

§ 42. Nalunaarut atuutilerpoq ulloq, 1. januaari 2020.

Innaallagissiornermut Oqartussat, ulloq 12. december 2019

Michael Petersen

/

Jane Lynge Hansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut